


Broj: 12- 40-6-148-144/20
Sarajevo, 24.04.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br: 39/03, 22/06 i 43/10), te člana 18. Poslovnika o radu Federalnog štaba civilne zaštite broj 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

N A R E D B U

- 
1. Naređuje se Federalnoj upravi za inspekcijske poslove da, u cilju sprječavanja širenja koronavirusa (COVID-19) na području Federacije Bosne i Hercegovine primjenjuje Proceduru zdravstvenog nadzora svih putnika u međunarodnom prometu, kao odgovor na pojavu koronavirusa (COVID-19), koji ulaze u Bosnu i Hercegovinu preko graničnih prelaza na područje Federacije BiH.
 2. U cilju osiguranja provođenja mjera iz tačke 1. ove Naredbe, obavezuju se putnici, odnosno roditelji ili staratelji djece i maloljetnih lica, bez obzira da li se radi o stranom državljaninu ili državljaninu BiH koji ulaze u Bosnu i Hercegovinu, odnosno u Federaciju BiH, da se prilikom ulaska prijave nadležnom sanitarnom inspektorcu ili drugom licu koje je ovlašteno za inspekcijski nadzor od strane Federalne uprave za inspekcijske poslove.
 3. Federalni sanitarni inspektor je obavezan da svim putnicima iz tačke 1. i 2. koji ulaze u Bosnu i Hercegovinu izrekne Rješenje o stavljanju pod zdravstveni nadzor i ograničavanje kretanja u trajanju od 14 dana.

4. Ukoliko se radi o državljaninu Bosne i Hercegovine sa prebivalištem na području Republike Srpske, odnosno Brčko distrikta Bosne i Hercegovine, federalni sanitarni inspektor je, pored provođenja mjera iz tačke 1. i tačke 3. ove Naredbe, dužan obavijestiti Inspektorat Republike Srpske, odnosno Inspektorat Brčko distrikta Bosne i Hercegovine, radi preduzimanja mjera iz njihove nadležnosti.
5. Od ove naredbe izuzeti su vozači u međunarodnom transportu, mašinovođe, piloti i kabinsko osoblje u međunarodnom prometu, lica u pograničnom kretanju i prekogranični radnici.
6. Ova naredba stupa na snagu danom donošenja i primjenjuje se do 30.04.2020.godine.
7. Stupanjem na snagu ove naredbe prestaje da važi naredba br. 12- 40-6-148-7/20 od 17.03.2020. godine i 12- 40-6-148-7-1/20 od 17.04.2020. godine.



DOSTAVITI:

- Ministarstvo civilnih poslova BiH,
- Federalna uprava za inspekcijske poslove,
- Krizni štab Federalnog ministarstva zdravstva,
- Krizni štabovi kantonalnih ministarstava zdravstva,
- Zavod za javno zdravstvo Federacije BiH,
- Koordinacijsko tijelo BiH za zaštitu i spašavanja,
- a/a .